



# Asesu Cynlluniau Ariannol Cyngor Sir Ddinbych

**Blwyddyn archwilio:** 2014-15

**Cyhoeddwyd:** Hydref 2014

**Cyfeirnod y ddogfen:** 575A2014

# Statws yr adroddiad

---

Paratowyd y ddogfen hon at ddefnydd mewnol Cyngor Sir Ddinbych fel rhan o'r gwaith a gyflawnir yn unol â'r swyddogaethau statudol.

Nid oes unrhyw gyfrifoldeb ar yr Archwilydd Cyffredinol, staff Swyddfa Archwilio Cymru neu, lle y bo'n gymwys, yr archwilydd penodedig mewn perthynas ag unrhyw aelod, cyfarwyddwr, swyddog na chyflogai arall yn unigol, nac i unrhyw drydydd parti.

Os gwneir cais am wybodaeth y gallai'r ddogfen hon fod yn berthnasol iddi, tynnir sylw at y Cod Ymarfer a gyhoeddwyd o dan adran 45 o Ddeddf Rhyddid Gwybodaeth 2000. Mae Cod adran 45 yn nodi'r arfer a ddisgwylir gan awdurdodau cyhoeddus wrth ymdrin â cheisiadau, yn cynnwys ymgynghori â thrydydd partiion perthnasol. Mewn perthynas â'r ddogfen hon, mae Archwilydd Cyffredinol Cymru, Swyddfa Archwilio Cymru a, lle y bo'n gymwys, yr archwilydd penodedig yn drydydd parti perthnasol. Dylid anfon unrhyw ymholiadau yngl n â datgelu neu aildefnyddio'r ddogfen hon i Swyddfa Archwilio Cymru yn [infoofficer@wao.gov.uk](mailto:infoofficer@wao.gov.uk).

Lluniwyd y ddogfen hon gan Anthony Veale a Gwilym Bury.

# Cynnwys

---

---

## Adroddiad

---

Cefndir i'n gwaith	4
--------------------	---

---

Mae gan y Cyngor drefniadau rheoli ariannol da heb unrhyw ddiffygion uniongyrchol	5
---	---

---

Mae gan y Cyngor hanes da o gyflawni arbedion a nodwyd o fewn y flwyddyn yn erbyn y camau gweithredu arfaethedig a gymeradwywyd ganddo	5
--	---

---

Mae cynlluniau a threfniadau'r Cyngor ar gyfer cyflawni arbedion yn y dyfodol yn addas at y diben ac maent yn cael eu rheoli'n effeithiol	5
---	---

---

Cynigion ar gyfer gwella	6
--------------------------	---

---

## Atodiadau

---

Canlyniadau manwl ein hadolygiad	7
----------------------------------	---

---

# Adroddiad

---

## Cefndir i'n gwaith

1. Mae systemau rheoli ariannol da yn hanfodol er mwyn gwarchod arian cyhoeddus yn effeithiol a darparu gwasanaethau cyhoeddus effeithlon. Mae systemau rheoli ariannol da hefyd yn hanfodol er mwyn sicrhau bod awdurdodau yn parhau i ddarparu gwasanaethau i gyflawni rhwymedigaethau statudol a diwallu anghenion cymunedau lleol. Mae systemau rheoli ariannol da:
  - Ñ yn helpu awdurdodau i wneud y penderfyniad cywir ar gyfer y byrdymor, y tymor canolog a'r hirdymor;
  - Ñ yn hanfodol er mwyn sicrhau systemau llywodraethu corfforaethol da;
  - Ñ yn ymwneud cymaint â rheoli perfformiad a chyflawni amcanion strategol â rheoli arian;
  - Ñ yn sail i ansawdd gwasanaethau a gwella gwasanaethau;
  - Ñ yn sail i atebolrwydd i randdeiliaid am warchod a defnyddio adnoddau; ac
  - Ñ yn ddisgyblaeth reoli allweddol.
2. Nid yw rheoli ar gyfer yr hirdymor yn ymwneud â rhagweld y dyfodol; mae'n ymwneud â pharatoi ar ei gyfer. Mae cynllunio yn ymwneud â deall y galw yn y dyfodol, asesu effaith newidiadau tebygol, adolygu'r bylchau rhwng anghenion ariannu ac incwm posibl a datblygu strategaethau arbedion priodol.
3. Dylai penderfyniadau ynghylch yr hyn sy'n ymarferol gael eu gwneud ar sail blaenoriaethau strategol yr awdurdod a'i iechyd ariannol. Gall strategaethau ariannol hirdymor a chynlluniau ariannol tymor canolog tra ystyriol a manwl sicrhau y caiff blaenoriaethau strategol eu cyflawni drwy alluogi awdurdod i wneud dewisiadau ariannol priodol. I'r gwrthwyneb, mae gwaith cynllunio cyllidebol blynyddol byrdymor yn annog awdurdodau i fabwysiadu dull gweithredu cynyddrannol a lywir gan brosesau sy'n rhy anhyblyg mewn cyfnod o newid allanol cyflym.
4. Rhwng mis Mai a mis Awst 2014, edrychodd Swyddfa Archwilio Cymru ar sefyllfa ariannol awdurdodau a'r ffordd y maent yn cyllidebu ac yn cyflawni'r arbedion gofynnol. Ystyriodd y gwaith hwn p'un a oes gan awdurdodau drefniadau cadarn ar waith i reoli'r gostyngiadau cyllidebol sy'n eu hwynebu er mwyn sicrhau eu bod mewn sefyllfa ariannol sefydlog a fydd yn eu galluogi i barhau i weithredu yn y dyfodol agos. Mae'r gwaith yn canolbwyntio ar gyfnod cynllunio ariannol 2014-15. Er mwyn llywio barn ar gynllunio ar gyfer cyllidebau a'u cyflawni'n llwyddiannus, ystyriwyd hefyd berfformiad ar gyfer y blynyddoedd ariannol blaenorol 2011-12 a 2013-14.
5. Canolbwyntiodd y gwaith ar ateb y cwestiwn canlynol: **A yw'r awdurdod yn rheoli gostyngiadau cyllidebol yn effeithiol er mwyn sicrhau cydnerthedd ariannol?** Yn yr adroddiad hwn rydym yn nodi ein casgliadau ar berfformiad a'r rhagolygon ar gyfer y dyfodol:
  - **Perfformiad blaenorol** – a lwyddodd yr awdurdod i nodi'r arbedion roedd angen eu sicrhau rhwng 2011-12 a 2013-14, cynllunio ar eu cyfer a'u cyflawni; ac, os oedd diffyg, sut yr ymdriniwyd ag ef.

- 
- **Rhagolygon ar gyfer y dyfodol** – a oes gan yr awdurdod fframwaith corfforaethol effeithiol ar gyfer cynllunio ariannol, prosesau rheoli ariannol effeithiol a fframwaith cadarn ar gyfer adolygu a herio perfformiad ariannol; ac a oes gan yr awdurdod gynlluniau realistig i wneud yr arbedion sydd eu hangen ar gyfer 2014-15 a'i fod yn cymryd camau priodol i'w cyflawni.
6. Yng Nghyngor Sir Ddinbych (y Cyngor) rydym wedi dadansoddi amrywiaeth o ddata, gan gynnwys cyfrifon cyhoeddedig y Cyngor a'i ffurflenni perfformiad i Lywodraeth Cymru ac Uned Data Llywodraeth Leol. At hynny, cyfwelwyd â nifer fach o aelodau allweddol o staff ac adolygwyd adroddiadau y mae'r Cyngor a'i bwyllgorau wedi'u hystyried.

## Mae gan y Cyngor drefniadau rheoli ariannol da heb unrhyw ddiffygion uniongyrchol

7. Daethom i'r casgliad hwn o ganlyniad i'r canfyddiadau canlynol:
- mae gan y Cyngor hanes da o gyflawni arbedion a nodwyd o fewn y flwyddyn yn erbyn camau gweithredu arfaethedig a gymeradwywyd ganddo; ac
  - mae cynlluniau a threfniadau'r Cyngor ar gyfer cyflawni arbedion yn y dyfodol yn addas at y diben ac maent yn cael eu rheoli'n effeithiol.
8. Nodir ein casgliadau manwl yn **Atodiad 1** ac maent yn seiliedig ar y graddau y mae'r Cyngor wedi rhoi prosesau rheoli ariannol effeithiol ar waith sy'n ei helpu i sicrhau ei fod mewn sefyllfa ariannol sefydlog a fydd yn ei alluogi i barhau i weithredu yn y dyfodol a'r graddau y mae'n gweithredu'r prosesau hynny.

## Mae gan y Cyngor hanes da o gyflawni arbedion a nodwyd o fewn y flwyddyn yn erbyn y camau gweithredu arfaethedig a gymeradwywyd ganddo

9. Llwyddodd y Cyngor i nodi amrywiaeth o arbedion cylchol ac anghylchol yr oedd angen eu gwneud i wneud iawn am y diffyg cyllidebol rhwng 2011-12 a 2013-14, cynllunio ar eu cyfer a'u cyflawni. Nid oedd unrhyw arbedion nas nodwyd yr oedd angen eu datblygu pan gymeradwywyd cyllidebau 2011-12, 2012-13 a 2013-14 a chyflawnwyd gostyngiadau ac arbedion arfaethedig y Cyngor ym mhob un o'r tair blynedd.

## Mae cynlluniau a threfniadau'r Cyngor ar gyfer cyflawni arbedion yn y dyfodol yn addas at y diben ac maent yn cael eu rheoli'n effeithiol

10. Mae gan y Cyngor fframwaith corfforaethol effeithiol ar gyfer cynllunio ariannol a phrosesau rheoli ariannol effeithiol. Mae ganddo fframwaith ar gyfer adolygu a herio perfformiad ariannol a chynlluniau realistig i wneud yr arbedion sydd eu hangen ar gyfer 2014-15 ac mae'n cymryd camau priodol i'w cyflawni.

---

## Cynigion ar gyfer gwella

11. Nid oes unrhyw gynigion ar gyfer gwella nac unrhyw argymhellion sy'n deillio o'r adolygiad hwn.

# Atodiad 1

## Canlyniadau manwl ein hadolygiad

Llinellau ymholi allweddol	Canfyddiadau gwaith maes	Casgliadau
<b>Perfformiad rhwng 2011-12 a 2013-14</b>	<ul style="list-style-type: none"><li>Nododd y Cyngor amrywiaeth o arbedion cylchol ac anghylchol er mwyn gwneud iawn am y diffygion yng nghyllidebau 2011-12, 2012-13 a 2013-14. Yn 2011-12 nododd y Cyngor arbedion ac arbedion effeithlonrwydd gwerth £6,359 miliwn a llwyddodd i'w cyflawni'n llawn.</li><li>Yn 2012-13 nododd y Cyngor arbedion ac arbedion effeithlonrwydd gwerth £3.4 miliwn a llwyddodd i'w cyflawni'n llawn. Cyflawnodd y Cyngor arbedion gwerth 99.3% gyda'r arbedion a oedd yn weddill yn ymwneud â rhesymoli argraffyddion, yn cael eu gohirio tan y flwyddyn ariannol ganlynol.</li><li>Ymddengys fod proses pennu cyllideb 2013-14 yn gadarn ac ni chafodd unrhyw feysydd arbed costau nas nodwyd eu cynnwys yn y gyllideb wreiddiol.</li></ul>	<ul style="list-style-type: none"><li>Mae gan y Cyngor hanes da o nodi ei ddiffyg cyllidebol blynyddol a chyflawni amrywiaeth o arbedion ac arbedion effeithlonrwydd cylchol ac anghylchol.</li></ul>
<b>Cynllunio Ariannol Strategol</b>	<ul style="list-style-type: none"><li>Datblygodd y Cyngor amrywiaeth o gynigion cyllidebol a oedd yn adlewyrchu Cynllun y Cyngor a'i flaenoriaethau. Mae'r fframwaith yn cynnwys ymgysylltu'n llawn ag Aelodau drwy fforymau fel gweithdai Cyllidebol i'r Aelodau.</li><li>Mae'r Cyngor wedi datblygu a chyhoeddi Cynllun Corfforaethol ar gyfer 2012/2017. Cyhoeddodd y Cyngor ei Ddogfen Gyflawni Blwyddyn 2 (y Cynllun), adolygiad blynyddol o'i Gynllun Corfforaethol ar gyfer 2012-2017 (Cyngor sy'n Perfformio'n Dda, yn Agos at y Gymuned), ym mis Ebrill 2013. Mae'r Cynllun yn cydymffurfio â gofynion y Mesur Llywodraeth Leol i lunio Cynllun Gwella blynyddol. Mae'r Cynllun yn glir ac yn gryno, gan nodi'r hyn y mae'r Cyngor am ei gyflawni a sut y bydd yn gwneud hynny. Eglurir y rhesymeg dros ddewis Amcanion Gwella (Canlyniadau) yn gryno ond yn glir. Mae'r Cynllun hefyd yn egluro nodau'r Cyngor ar gyfer 2013-14 a'r mesurau y byddai'n eu defnyddio i werthuso llwyddiant wrth gyflawni ei amcanion.</li><li>Mae'r Cyngor wedi nodi'n glir y cyswllt rhwng ei Amcanion Gwella a'i gynllun ariannol tymor canolig a'i gynlluniau gwasanaeth unigol. Mae wedi nodi'r adnoddau sydd ar gael i helpu i gyflawni Amcanion Gwella yn 2013-14, o arian refeniw ac arian cyfalaf.</li></ul>	<ul style="list-style-type: none"><li>Mae fframwaith cynllunio ariannol strategol corfforaethol y Cyngor yn effeithiol ac yn helpu i gyflawni gweledigaethau corfforaethol, nodau ac amcanion gwella.</li></ul>

Llinellau ymholi allweddol	Canfyddiadau gwaith maes	Casgliadau
	<ul style="list-style-type: none"> <li>• Mae gan y Cyngor fframwaith rheoli perfformiad ar waith a ddefnyddir ganddo i adolygu a monitro'r cynnydd a wnaed o ran cyflawni amcanion y Cynllun Corfforaethol, blaenoriaethau'r cynllun gwasanaethau, mesurau perfformiad, cyflawniadau a meysydd i'w gwella.</li> <li>• Drwy ei broses her gwasanaeth a phennu cyllideb flynyddol caiff cyllidebau eu pennu yn unol â blaenoriaethau'r Cynllun Corfforaethol.</li> <li>• Mae gan y Cyngor nifer o bolisiâu sy'n cefnogi ei drefniadau cynllunio ariannol, gyda chyfrifoldebau yn cael eu pennu o ran gosod y gyllideb, ei monitro ac adrodd arni.</li> <li>• Mae gan y Cyngor Gynllun Ariannol Tymor Canolig (y Cynllun) a groesgyfeirir â'i Amcanion Gwella. Mae'n cwmpasu cyfnod o bum mlynedd. Mae fersiwn 2014 yn nodi sut yr ymdrinnir â'r bwch sy'n weddill mewn arbedion yn 2015/16 a thu hwnt, er bod diffyg eglurder Llywodraeth Cymru ynghylch lefel y gostyngiadau yn y gyllideb yn 2015 a thu hwnt yn rhwystro'r Cyngor rhag cynllunio.</li> <li>• Dull y Cyngor o bennu ei gyllideb referniw fu lleihau costau'n gynyddrannol yn seiliedig ar gynigion arbed o wasanaethau a chyllidebau corfforaethol. Mae'r broses wedi llwyddo yn y gorffennol ond mae'r Cyngor yn cydnabod nad yw'n gweithio mwyach. Ar gyfer 2015-16 caiff gwasanaethau eu hadolygu o dan y rhaglen Rhyddid a Hyblygrwydd er mwyn arbed £12 miliwn dros y ddwy flynedd nesaf. Dyma'r newid mwyaf arwyddocaol i'r broses gyllidebol a bydd yn canolbwyntio ar yr hyn y mae gwasanaeth yn ei wneud, faint mae'n ei gostio a bydd yn ceisio dadansoddi p'un a yw'r broses o ddarparu gwasanaeth yn statudol, yn gyson â blaenoriaeth gorfforaethol neu'n ddewisol.</li> </ul>	<ul style="list-style-type: none"> <li>• Mae dull y Cyngor o bennu ei gyllideb referniw wedi llwyddo yn y gorffennol ond mae'r Cyngor yn cydnabod nad yw'n gweithio mwyach. Ar gyfer 2015-16, caiff gwasanaethau eu hadolygu o dan y rhaglen Rhyddid a Hyblygrwydd.</li> </ul>



Llinellau ymholi allweddol	Canfyddiadau gwaith maes	Casgliadau
	<ul style="list-style-type: none"> <li>• Caiff y Cynllun ei adolygu bob blwyddyn drwy ei broses her gwasanaeth a'r ymgynghoriad ar bennu'r gyllideb a gynhelir bob blwyddyn. Mae pob gwasanaeth yn destun her gwasanaeth blynyddol lle mae'r Prif Swyddog Gweithredol, yr Arweinydd, Cyfarwyddwyr Strategol a chadeiryddion craffu yn rhoi her sylfaenol i bob gwasanaeth o ran ansawdd gwasanaethau a'r ffordd y'u darperir. Mae'r her gwasanaeth yn ffordd allweddol o nodi cyfeiriad gwasanaethau yn y dyfodol a'r risgiau a wynebir ganddynt yn y dyfodol.</li> <li>• Mae fframwaith cynllunio ariannol y Cyngor yn cynnwys ymgynghori'n eang ag aelodau trwy weithdai cyllidebol. Mae'r aelodau yn chwarae rhan weithredol ac yn herio cynigion.</li> <li>• Mae proses sefydledig ar gyfer cymeradwyo cyllideb fanwl a phennu'r dreth gyngor ar gyfer y flwyddyn ganlynol.</li> </ul>	
<b>Rheoli Ariannol</b>	<p>Mae trefniadau rheoli ariannol y Cyngor yn gadarn ac maent yn cael eu rheoli'n effeithiol.</p> <ul style="list-style-type: none"> <li>• Mae Rheoliadau Ariannol y Cyngor yn cynnwys adran ar gyllidebau sy'n ymdrin â chynllunio ariannol a chyllidebu; rheolaeth gyllidebol; trosglwyddo a chyllidebau atodol eithriadol. Yr Aelodau sy'n gyfrifol am bennu Cyllideb yr Awdurdod, yn dilyn cyngor gan Swyddogion y Cyngor. Mae hwn yn gyfrifoldeb statudol. Rhaid i'r Cyngor bennu cyllideb fantoledig; rhaid bod digon o arian ar gael (a dderbynnir yn y flwyddyn ariannol dan sylw) i gyfateb i'r gwariant disgwylidig. Bydd yr Aelodau yn penderfynu sut y dyrennir adnoddau rhwng Cyfarwyddiaethau, canolfannau adnoddau a'r bolisiau cysylltiedig. Ar y cyd â'r Pennaeth Cyllid ac Asedau, mae Cyfarwyddwyr unigol yn gyfrifol am yr agweddau mwy manwl ar bennu'r gyllideb.</li> <li>• Nid oes gan y Cyngor bolisi corfforaethol ar gynhyrchu incwm/ailgodi ond mae sawl enghraifft o bolisiau o'r fath ar lefel gwasanaeth.</li> </ul>	<ul style="list-style-type: none"> <li>• Mae trefniadau rheoli ariannol y Cyngor yn gweithio'n effeithiol. Rhoddwyd trefniadau ar waith i sicrhau bod y gyllideb yn cael ei phennu, ei monitro a'i hadrodd yn effeithiol.</li> <li>• Nid oes gan y Cyngor bolisi corfforaethol ar gynhyrchu incwm/ailgodi ond mae sawl enghraifft o bolisiau o'r fath ar lefel gwasanaeth.</li> </ul>

Llinellau ymholi allweddol	Canfyddiadau gwaith maes	Casgliadau
	<ul style="list-style-type: none"> <li>• Rhoddwyd system rhagamcanu, monitro ac adrodd newydd ar waith. Gelwir hyn yn Cynllunio Cydweithredol. Mae'n sicrhau bod dull mwy cyson o reoli'r gyllideb ar draws y Cyngor drwy goladu gwybodaeth gyllidebol ar system ar-lein a lleihau'r angen i ddefnyddio gwahanol daenlenni o fewn yr adrannau gwasanaeth amrywiol.</li> <li>• Anfonir adroddiad misol ar y gyllideb i'r Cabinet. Mae'r adroddiadau monitro a gyflwynir i'r Cabinet yn dangos yr alldro rhagamcanol ar gyfer y flwyddyn (yn hytrach na'r sefyllfa ar adeg benodol) o gymharu â'r gyllideb wreiddiol. Mae'r adroddiadau hyn yn cynnwys manylion unrhyw amrywiad sylweddol mewn gwariant ynghyd â chamau cywirol.</li> </ul>	
<b>Llywodraethu Ariannol</b>	<p>Mae trefniadau llywodraethu ariannol y Cyngor ar gyfer adolygu a herio perfformiad yn gadarn:</p> <ul style="list-style-type: none"> <li>• Fel y Rheoliadau Ariannol mae terfynau cymeradwyo y cytunwyd arnynt ar gyfer trosglwyddiadau, gan ddibynnu ar y symiau a ph'un a ydynt yn cael eu trosglwyddo o fewn gwasanaethau neu rhwng gwasanaethau.</li> <li>• Caiff Penaethiaid Gwasanaethau eu dwyn i gyfrif. Caiff deiliaid cyllideb (Penaethiaid Gwasanaeth) eu dwyn i gyfrif gan y Cabinet bob mis ac mae'n ofynnol iddynt gyflwyno ffurflenni misol ac esbonio gorberfformiad a thanberfformiad mewn perthynas â'r gyllideb.</li> <li>• Cyflwynir cyfrifon rheoli cyfnodol (ar gyfer y gyllideb refeniw a gwaith datblygu cyfalaf) i'r Cabinet a'r Pwyllgor Llywodraethu Corfforaethol.</li> <li>• Mae gan y Cyngor hanes da o gofnodi perfformiad cyllidebol yn gywir a chyflawni'r arbedion y cytunwyd arnynt.</li> </ul>	<ul style="list-style-type: none"> <li>• Mae gan y Cyngor fframwaith cadarn ar gyfer adolygu a herio perfformiad ariannol.</li> </ul>

Llinellau ymholi allweddol	Canfyddiadau gwaith maes	Casgliadau
<p><b>Cynlluniau Arbedion Cyfredol 2014-15</b></p>	<p>Mae cynlluniau arbedion cyfredol y Cyngor ar gyfer 2014-15 yn addas at y diben ac maent yn cael eu rheoli'n effeithiol:</p> <ul style="list-style-type: none"> <li>• Mae'r Cynllun yn rhoi ystyriaeth gynhwysfawr a rhesymol i oblygiadau tymor hwy cyfraddau llog, y mynegai prisiau a dyraniadau demograffig, mentrau polisi gan y Cyngor a'r Llywodraeth ac ymrwymadau hysbys na ellir eu hosgoi. Mae'r Cyngor o'r farn bod ei drefniadau cadarn yn cael eu tanseilio gan ddiffyg eglurder ac amseroldeb setliadau ariannol yn y byrdymor a'r tymor canolig, gan Lywodraeth Cymru.</li> <li>• Ymgorfforodd Cyllideb Refeniw 2014-15 dybiaethau darbodus a rhesymol, fel tybio chwyddiant cyflogau o 1.2%.</li> <li>• Mae cyfanswm yr arbedion targed ar gyfer 2014-15, sef £8.5 miliwn, wedi'i nodi. Gwnaed tybiaethau rhesymol wrth nodi'r diffyg ariannol/targed arbedion ar gyfer 2014-15.</li> <li>• Mae effaith galw cynyddol am wasanaethau wedi'i chostio, yn arbennig pwysau na ellir eu hosgoi oherwydd y galw cynyddol am wasanaethau Gofal Cymdeithasol.</li> <li>• Caiff cyllideb y Cyngor ei monitro bob mis gan yr Uwch Dîm Arwain a'r cabinet. Caiff 'arbedion' eu monitro fel mynegiant o'r arbedion blynyddol a gyflawnwyd. Dros y tair blynedd diwethaf, cyflawnwyd dros 90% o'r arbedion gofynnol erbyn diwedd yr ail chwarter. Cyflwynir adroddiadau ar y gyllideb bob chwe mis i'r Cyngor llawn gydag unrhyw ddiffygion mewn arbedion yn cael eu cyflwyno i'r Cabinet yn y cyfarfod nesaf o'r Cyngor llawn.</li> </ul>	<ul style="list-style-type: none"> <li>• Mae cynlluniau arbedion ac arbedion effeithlonrwydd y Cyngor ar gyfer 2014-15 yn addas at y diben, yn cael eu rheoli'n effeithiol ac yn debygol o gael eu cyflawni.</li> </ul>

Llinellau ymholi allweddol	Canfyddiadau gwaith maes	Casgliadau
	<ul style="list-style-type: none"> <li>Mae Cynllun Arbedion 2014-15 yn un CAMPUS (cyraeddadwy, amserol, mesuradwy, penodol, uchelgeisiol, synhwyrol):  mae Cynllun Arbedion 2014-15 yn benodol; mae'n esbonio'n glir lle y caiff arbedion eu gwneud ac yn cynnwys targedau arbedion ar gyfer pob eitem;  mae Cynllun Arbedion 2014-15 yn fesuradwy; mae'r Cyngor wedi asesu effaith yr arbedion, wedi gwerthuso'r risgiau ac wedi ystyried cynlluniau a threfniadau lliniaru er mwyn mesur ac olrhain arbedion; ac  mae Cynllun Arbedion 2014-15 yn heriol ond gellir ei gyflawni.</li> <li>Mae Cynllun Arbedion y Cyngor ar gyfer 2014-15 yn rhoi sylw priodol a pherthnasol i'r pwysau ariannol sy'n ei wynebu. Er gwaethaf setliad grant heriol iawn gan Lywodraeth Cymru, mae'r Cyngor wedi pennu cyllideb fantoledig ar gyfer 2014-15 sy'n cynnwys cynnydd o 3.5 y cant yn y dreth gyngor ac arbedion o £8.5 miliwn.</li> <li>Mae perfformiad hanesyddol yn awgrymu y bydd y Cyngor yn cyflawni ei darged ar gyfer arbedion. Nid oes unrhyw beth i awgrymu na ellir sicrhau'r gostyngiadau/arbedion arfaethedig ar gyfer 2014-15. Dros y tair blynedd diwethaf, cyflawnwyd dros 90% o'r arbedion gofynnol erbyn diwedd yr ail chwarter.</li> </ul>	<ul style="list-style-type: none"> <li>Mae Cynllun Arbedion 2014-15 yn un CAMPUS (cyraeddadwy, amserol, mesuradwy, penodol, uchelgeisiol, synhwyrol).</li> </ul>



Wales Audit Office  
24 Cathedral Road  
Cardiff CF11 9LJ

Tel: 029 2032 0500

Fax: 029 2032 0600

Textphone: 029 2032 0660

E-mail: [info@wao.gov.uk](mailto:info@wao.gov.uk)

Website: [www.wao.gov.uk](http://www.wao.gov.uk)

Swyddfa Archwilio Cymru  
24 Heol y Gadeirlan  
Caerdydd CF11 9LJ

Ffôn: 029 2032 0500

Ffacs: 029 2032 0600

Ffôn Testun: 029 2032 0660

E-bost: [info@wao.gov.uk](mailto:info@wao.gov.uk)

Gwefan: [www.wao.gov.uk](http://www.wao.gov.uk)